

владко ги вседържителю не хотаи смрти грѣшникомъ · нъ обрашениа і животу
 да съ єдиночаднымъ сномъ твоимъ · гмъ нашимъ · їсѣ хмъ · иже показа намъ
 путь новъ і стѣ · і образъ прописавъ покаганію · първое блудникомъ дрѣвнимъ
 · разбоинникомъ · дрѣвнимъ мздоимцемъ · подавѣи блудници источникъ слъзъ
 · тѣмъ же вѣко і мене сподоби · не поминаа · моихъ безчисленыхъ съблазнъ ·
 мимо веде мога прѣгрѣшениа · єдинъ бо єси безгрѣшенъ · млрдъ і прѣмлтвъ
 кагаса о злобахъ · члвцъскахъ · приємлаа покаганіе ѿ всего твари · хвалимыі
 непрѣстанно нѣными силами · страшенъ хѣровимомъ і сѣрафимомъ · і ѿ
 тѣхъ службу неїздреньнѣ приємлаа пакы на земли собою жьртвѣ оцю възнесе
 · тако агна незлобивоꝑаколение приємла · своєю крѣвью осѣвъсь весь миръ ·
 повелевъ всемъ намъ недостойнымъ твоя ѿ твоихъ тебе приносити · ты і нынѣ
 владко · прѣзра мога прѣгрѣшениа · раздвигни уста мога · исполни твоего
 хвалениа срдце что съзижи въ мнѣ і дхъ правѣ · обнови въ утробѣ моеі
 · і приими ма дързающа вѣнѣти въ стѣлище твое · і принести тебе твоя ѿ
 твоихъ · таже предаа єси стѣмъ своимъ учникомъ · і мы ѿ тѣхъ приимѣше ·
 таинѣ ꙗкоєі обѣщаниа бываемъ · не по нашему достоинію · нъ твоего ради
 члвколюбиа · ѡмѣи гнѣсъ ѿ дша моего · і сквернѣ ѿ плѣти моего · і всего
 ма ости ѡтинѣ · силою своею невидимою · і дхѣвною десницею · нѣ бо вещи
 · ұтающиса ѿ тебе нъ вса обнажена і гвлена сѣтъ прѣдъ очима твоима ·
 вѣдѣ же владко тако і неспѣлныхъ моихъ зрѣта оци твои · і въ книгахъ твоихъ
 вси напишѣтсѣ · тѣмъ же не омързи недостойнѣства моего · ни ѡврати лица
 твоего ѿ мене · да не възрашѣ смѣренъ і посрамленъ ѿ тебе · нъ сподоби
 ма · достойно поработати · стѣмъ твоимъ таинамъ ·